



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 4. De Natiuitate Christi.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

pula, si ex communi vtriusq; consensu caste viuant. Quale matrimonium hoc Deo gratius est, & maioris meriti, quanto similis est matrimonio Matris eius & Christi cum sponsa Ecclesia.



MEDITATIO IV.
DE NATIUITATE
CHRISTI.

PVNCTA MEDITATIONIS.

- Ex Eu. I. ang. Luc. 2.* I. *Publicato Augusti, de descriptione orbis decreto ascendit Ioseph in Bethlehem, cum vxore sua eò quòd esset de familia Dauid.*
- II. *Cum essent ibi impleti sunt dies MARIÆ, vt pareret: Et peperit primogenitum suum.*
- III. *Inuoluit eum pannis, & reclinauit in praesepio, quia non erat ei locus in diuersorio.*

F I G V R A.

Exod. 2. **M**OYSES postquam natus est, positus est in fiscella scirpea.

PRO-

P R O P H E T I Æ.

1. **A**dhuc unum modicum est, & ego commouebo cælum & terram, & veniet desideratus cunctis gentibus. Agg. 2.
2. Et tu Bethlehem Ephrata nequaquam minima es in principibus Iuda: ex te enim exiet dux, qui regat populum meum Israel. Mich. 5.
3. Ecce virgo concipiet, & pariet filium, & vocabitur nomen eius Emanuel. Esa. 7.
4. Antequam parturiret peperit, antequam veniret partus eius, peperit masculum. Esa. 66.
5. Paruulus natus est nobis, & filius datus est nobis, & factus est principatus super humerum eius. Esa. 9.
6. Cognouit bos possessorem suum, & asinus praesepe Domini sui, Israel autem me non cognouit. Esa. 1.
7. Parauit Deus brachium sanctum suum in oculis omnium gentium, & videbunt omnes fines terra salutare Dei nostri. Esa. 52.
8. Post hac in terris visus est, & cum hominibus conuersatus est. Baruch. 3.
9. Et videbunt gentes iustum tuum, & cuncti reges inclytum tuum. Esa. 62.
10. Propter hoc sciet populus meus nomen meum in die illa, quia ego ipse, qui loquebar, ecce adsum. Esa. 52.
11. Stella dederunt lumen in custodiis suis, & latatae sunt, vocatae sunt, & dixerunt. Adsumus, & luxerunt ei cum incunditate, qui fecit illas. Baruch. 3.

DOCUMENTA.

1. **I**oseph discedens è Galilæa quod interpretatur, volubilis, abiit in Iudæâ quod, Confessio, in Bethlehem, quod interpretatur, Domus panis, vt inscriberetur in catalogum eorum qui erant de familia Dauid: Et nos si velimus, vt veri filij, & domestici cælestis Dauid scribi in libro vitæ, deseramus res volubiles & transitorias huius mundi, & facta vera confessione, & expurgataque ab omnibus sordibus conscientia, sæpe adeamus mensam panis viui, qui descendit de cœlo, vt det vitam mundo.

Ioan. 6. 2. Si B. Virgo cum tanto suo incommodo, & afflictione domum propriam deseruit, & abiit in Bethlehem, vt pareret edicto Principis terreni, quanto potius nobis omnia incommoda & labores perferendi sunt, vt pareamus mandatis diuinis.

3. Deus descendendo in terram pro natiuitate sua elegit exiguam urbem Bethlehem, & pro ignominiosa morte sua regiam urbem Hierosolymam, ad confusionem nostram: qui, si quid dignum laude vel gloria agimus, id volumus mox publicari, & in totum mundum diuulgari. Defectus verò nostros, & si quid reprehensione dignum committimus id volumus calari, & si fieri posset, etiam intra viscera terræ recondi.

4. Si Religiosi, qui professionem faciunt: imitandi Christum, contemplarentur Filij Dei paupertatem, vilibus fascijs illigati, in præsepi animalium depositi, paruo lacte pasci: nunquam grauius ferrent aut lecti sui durtiem, vel mensæ parcitatem vel vestimentorum vilitatem.

s. Fi-

5. Filius Dei veniens in hunc mundum elegit in natiuitate sua pauperem domum, pauperem lectum, pauperem matrem, res omnes pauperes. Si Iesus est Sapiencia aterna, de qua dicit Propheta, quod sciuerit reprobare malum, & eligere bonum, certum est, non esse vera bona, quæ homines huius sæculi bona existimant, vt opes, honores, delicias &c. Sed quæ elegit Christus, vt paupertatem, humilitatem, & malorum tolerantiam.

Esa. 7.

6. Deus veniens in hunc mundum, non inuenit locum pro se, & ideo opus habuit, cum tanta sua molestia nasci in stabulo. Quare homines qui in hoc mundo volunt frui omnibus commodis, magnâ habent dubitandi causam, qua parte fruituri sint in altero. Contra, gaudere debent pauperes, & omnes humanis auxilijs destituti, nam tanto in coelo apparebunt gloriosiores cum Christo, quanto in terra fuerint illi similiores.



MEDITATIO V.
DE PASTORIBVS.

PVNCTA MEDITATIONIS.

- I. *Pastoribus reuelatur per Angelos Christi natiuitas*: Euangelizo vobis *Luc. 2.*
gaudium magnum &c. *Qui & cecinerunt*: GLORIA in excelsis.
- II. *Pastores in Bethlehem properantes*:
Inuenerunt Mariam, & Ioseph,
& puerum &c.

III. *Re-*